

անում նրանց կապը Վարդ աստվածության անվան հետ<sup>51</sup>, որը պաշտվում էր որպես ծագող արևի ուժի լիությունն ունեցող շնորհատու աստվածություն. այդ անվան ձևափոխումների՝ Վահե, Վահագն անունների հետ: Այդ գուգորդությունները բերել են ինձ այն եզրակացության, որ Վարդավառ բառի այլ ձևն է Վահե վահ և Վահեվահյան մեհյանը, նույնն է թե Վարդավառյան մեհյան, իսկ Վարդապետ անունը սկզբում տրվելիս է եղել Ապոլլոնի նման իմաստություն, լուսավորություն, միտք տվող աստվածության բուրմին:

Ինչպես հայաբնակ գրեթե բոլոր գավառներում, նաև Զանգեզուրում Վարդավառի տոնին սովորություն էր իրար վրա ջուր սրսկելը, նույնիսկ աշխատում էին առվի կամ գետակի ջրի մեջ գցել: Այսպիսով շեշտում էին արևի շողերի բարերար ուժը՝ ջրի բարերար ուժի հետ շաղկապված լինելը և արևի ճանազայթի կենարար ազդեցությունը ջրով ողողված լինելու դեպքում: Զուր սրսկելու այս սովորությունը, սակայն, մի քանի գյուղերում, օրինակ՝ Գորիսում և Կապանի շատ գյուղերում, չենք պատահում: Գուցե այն ըմբռնումից, որ Վարդ՝ Վահագն աստվածը արևադարձի օրն արդեն իր լիակատար շափահասության հասած մի երիտասարդ է, որն արդեն լիովին ընդունակ է ամուսնության, ծագել է մի այլ սովորություն, որը Վարդավառի տոնի հետ է շաղկապված Զանգեզուրում: Այն է՝ Գնլում, հա՛յ երգելու և վիհակ հանելու սովորությունը, որտեղ երգում են հատկապես աղջիկները, աշխատելով գուշակել, թե երիտասարդներից ո՞վ է և ինչպիսին է իրենցից ամեն մեկին վիճակվելու: Գնլումներ երգելն ու վիհակ հանելը Զանգեզուրում շատ ավելի պարզ ձևեր է ունեցել, քան թե այլ հայաբնակ վայրերում: Մի քանի գյուղերում, մանավանդ Սիսիանի նոր եկողների համայնքների մեջ, այս երգերն ու վիճակ հանելը տեղի էր ունենում Համբարձման օրը: Զանգեզուրի բնիկների գյուղերում տղաներն ու աղջիկներն առանձին-առանձին խրվիկի էին տալիս: Ամեն մի թաղի աղջիկները շաբաթ երեկոյին, մութն ընկնելուց հետո հավաքվում էին իրար հետ մի օթախում, մեջտեղը դրած մէծմհուս վրա սիրուն շարում էին իրենց բերած վարունգը, խնձորը և նոր հասած պտուղները, ամեն մեկն իր առջև դնում էր վրբիվէր կոչած ծաղիկից հյուսած մի խաչ, և սկսում էին Գնլում, հա՛յ քառյակներ երգել<sup>52</sup>: Հենց գնլ բառը, որը հայկական վարդ բառի իրանական ձևն է, առնչություն ունի նախնական ժամանակներում այդ օրը մեծարվող աստվածության անվան հետ և առիթ է տալիս եզրակացնելու, որ Վրբիվէրին վիճակ հանելու սովորությունն ավելի հնագույն է, քան թե Համբարձման տոնին հանելը: Հաջորդ օրը տեղի էր ունենում Վիհակ հանելը: Մի փարչի մեջ լոթ աղբյուրներից մի-մի հավառ՝ բուռ ջուր էին ածում: Աղջիկներից յուրաքանչյուրը մեջը ձգում էր մի-մի մա՛նր իր՝ մատանի, գնդասեղ, կոճակ և այլն: Բացակայողներն էլ ուղարկում էին մեջը ձգելու համար իրենց

<sup>51</sup> Համամիութենական գիտությունների ակադեմիայի Տիգրիսի ճյուղ՝ Кавказский Археологический институт-ի նիստում իմ կարդացած՝ «Тигран Великий по монетам» գեկուցման մեջ Տիգրան անունը բացատրելիս, այդ անվան հետ համադրում էի նաև Վարդան անունը և գտնում, որ երկուսն էլ ծագել են աստվածների անուններից, ինչպես Տիրան, Միհրան անունները և այսպիսով գոյություն է ունեցել Վարդ աստվածը, որի այլ ձևն է Վահե կամ Վահ: Այստեղից Վահագն, Վահառնի և վարդապետ: Վերջինս որպես Վարդ աստծուն ծառայող բուրմ: Զեկուցումը լույս տեսավ Գիտական ժողովածուում, նվիրված Հայաստանում սովետական իշխանության հաստատման 20-ամյակին, Երևան, 1941 թ.: Սակայն խմբագրության կողմից անունների այդ մեկնաբանությանը նվիրված հատվածը մի քանի այլ մասերի հետ կրճատվեց տեղի սղության պատճառով:

<sup>52</sup> Լալայեան Ե., Զանգեզուր, էջ 113—116, Սիսիան, էջ 161—170: